



1045  
860

Broj: 11/05-38-8345-14-1/19  
Sarajevo, 12.04.2019.godine

**SKUPŠTINA KANTONA SARAJEVO**  
**PREDSJEDAVALJUĆI SKUPŠTINE KANTONA SARAJEVO**  
Elmedin Konaković

- OVDJE-

**PREDMET: Dopuna odgovora na zastupničko pitanje broj:01-05-8345-14/19, od 27.03.2019. godine, dostavlja se**

**PITANJE:**

Zastupnik Damir Marjanović je na Šestoj radnoj sjednici Skupštine Kantona Sarajevo, održanoj dana 26.03.2019. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovnikom Skupštine Kantona Sarajevo, postavio zastupničko pitanje: "U kojoj fazi je realizacija Akcionog plana za unapređenje prava i položaja osoba sa invaliditetom u Kantonu Sarajevo (2018-2021), i to posebno u segmentu aktivnosti Usvajanja plana uklanjanja arhitektonskih barijera u postojećim javnim objektima, a posebice u školama i fakultetima u Kantonu Sarajevo?"

**DOPUNA ODGOVORA:**

Na osnovu prikupljenih informacija o osnovnim, srednjim školama i visokoškolskim ustanovama u Kantonu Sarajevo, koje su uklonile ili su u procesu uklanjanja arhitektonskih barijera, dostavljamo Vam slijedeće podatke:

**Osnovne škole:**

- **JU OŠ "Meša Selimović"**-postoji omogućen ulaz u školu za osobe sa invaliditetom. Trenutno je u toku osposobljavanje toaleta koji će biti opremljen u skladu sa potrebama osoba sa invaliditetom.
- **JU OŠ "Mehmed-beg Kapetanović Ljubušak"**- u procesu uklanjanja arhitektonskih barijera.
- **JU OŠ "Šejh Muhamed ef. Hadžijamaković"**-škola je izvršila nabavku i ugradnju pokretne vertikalne platforme sa pripadajućom nadstrešicom za koju postoji i upotrebna dozvola kako bi se osobe sa invaliditetom mogle nesmetano kretati.
- **JU OŠ "Hasan Kaimija"**- škola nema arhitektonske barijere.



- **JU OŠ "Deseta osnovna škola"**- škola posjeduje adekvatan prilaz za osobe sa invaliditetom, kao i lift, pomoću kojeg je osigurano lakše kretanje unutar objekta.
- JU OŠ "Zajko Delić"**- ima prilagođen ulaz u školu.
- JU OŠ "Sedma osnovna škola"**- novosagrađen objekat, a građen je prema tehničkim standardima projektovanja i izgradnje, kojima se osigurava nesmetano kretanje i pristup osobama sa invaliditetom.
- **JU OŠ "Fatima Gunić"**- osobama sa invaliditetom je omogućen pristup prizemlju u školi.
- **JU OŠ "Grbavica I"**- ima obezbijeden prilaz i ulaz u školu.
- JU OŠ "Malta"**-Škola ima pristupnu rampu koja osigurava nesmetano kretanje osoba sa invaliditetom. Škola je dobila donaciju od Save the Children-Roby gusjeničar, koji je na revers dala
- JU OŠ "Hrasno"**- Škola je aplicirala i na projekt za kosi lift koji je objavila Općina Novo Sarajevo u saradnji sa drugim organizacijama.
- **JU OŠ "Amer Čenanović"**- nema arhitektonskih barijera za kretanje osoba sa invaliditetom.
- JU OŠ "Porodice ef. Ramić"**- dostavili MONKS-u potrebu za nabavku jednog montažno-demontažnog lifta (gusjeničara).
- JU OŠ "Zaim Kolar"**- ima sporedan ulaz u školu koji nema arhitektonskih barijera za ulazak u školu i pristup u dvije učionice.
- JU OŠ "Čengić Vila I"**- Škola ima dva sprata, te arhitektonski nije prilagođena za osobe sa invaliditetom.
- JU OŠ "Stari Ilijaš"**- nema arhitektonskih barijera za ograničenje kretanja osoba sa invaliditetom. Škola ima ulazni pristup za osobe sa invaliditetom i panoramski lift sa tri etaže.
- **JU OŠ "Hašim Spahić" Ilijaš**- Škola nije uklonila niti je u procesu uklanjanja arhitektonskih barijera, zbog nedostatka finansijskih sredstava.
- JU OŠ "Džemaludin Čaušević"**- samo djelomično uklonjena arhitektonska barijera. Napravljena je rampa na sporednom ulazu u školu (ulaz u fiskulturnu salu). U saradnji sa Save the Children, u prizemlju škole opremljen je toalet za osobe sa invaliditetom.
- JU OŠ "Avdo Smajlović"**- uklonila je sve arhitektonske barijere kada je u pitanju prilaz školi, ulazak i kretanje na prvom spratu. Na drugom spratu je onemogućen pristup osobama sa invaliditetom.
- JU OŠ "Mehmedalija Mak Dizdar"**- prilaz školi je adekvatan za osobe sa invaliditetom, u prizemlju je toalet za invalide.
- JU OŠ "Hadžići"**- na ulazu u objekat instalirana je rampa za osobe sa invaliditetom, dok u unutrašnjosti škole ne postoji adekvatna vertikalna prohodnost (lift) shodno važećem normativnom okviru.
- **JU OŠ "Treća osnovna škola"**- na ulazu u školski objekat izgrađena prilazna rampa. Škola posjeduje Roby gusjeničar.
- **JU OŠ "Peta osnovna škola"**- uz glavni ulaz u školu nadograđena je rampa za prilaz osobama sa smetnjama u kretanju, te škola ima Roby gusjeničar za invalidska kolica.
- **JU OŠ "Musa Čazim Čatić"**- prilikom izmjene asfaltne podloge u dvorištu škole, omogućen nesmetan prilaz do ulaza u školu.
- **JU OŠ "Hilmi ef. Šarić"**- Škola je osigurala betonsku platformu na ulazu škole, parking mjesto za osobe sa invaliditetom, lift, prilagođen pristup mokrom čvoru u dijelu kotlovnice (alternativna mjera).



web: <http://mon.ks.gov.ba>  
 e-mail: [mon@mon.ks.gov.ba](mailto:mon@mon.ks.gov.ba)  
 Tel: + 387 (0) 33 562-128,  
 Fax: + 387 (0) 33 562-218  
 Sarajevo, Reisa Džemaludina Čauševića 1



- **JU OŠ "Mehmed Handžić"**- osiguran prilaz ulaska u Školu za osobe sa invaliditetom. U unutrašnjosti škole nisu uklonjene arhitektonske barijere.
- **JU OŠ "Umihana Čuvidina"**- posjeduje ulaz prilagođen osobama sa invaliditetom, te je osigurano nesmetano kretanje osoba sa invaliditetom.
- JU OŠ "Grbavica II"**- prilaz i ulaz u školu je prilagođen nesmetanom ulasku i kretanju osoba sa invaliditetom.
- **JU OŠ "Druga osnovna škola"** ima improvizirani prilaz za osobe sa invaliditetom.
- **JU OŠ "Prva osnovna škola"**- ima pristup školi za nesmetano kretanje osoba sa invaliditetom. Urađen je toalet za osobe sa invaliditetom. Imaju Roby gusjeničara.

#### **Srednje škole:**

- **JU Srednjoškolski centar Hadžići**- Škola je iscrtala školski parking i rezervisala jedno mjesto za osobu sa invaliditetom. Napravljena je pristupna rampa u školski objekat i lift između prizemlja i prve etaže.
- JU Ekonomska škola**- ima izgrađen prilaz školi za osobe sa invaliditetom.
- JU Elektrotehnička škola za energetiku Sarajevo**-planira do 2021.godine izgraditi ulaz u Školu pristupačan osobama sa invaliditetom.
- JU Srednja elektrotehnička škola**-nema arhitektonsko rješenje za nesmetano kretanje osoba sa invaliditetom.
- Katolički školski centar** (Osnovna škola, Srednja medicinska škola i Opća-realna gimnazija) su u fazi otklanjanja arhitektonskih barijera u objektu. Planiraju ugraditi lift sa kojim će biti moguće kretanje osoba sa invaliditetom u cijelom objektu.
- JU Srednja medicinska škola**- ima djelomično omogućen prilaz za osobe sa invaliditetom.
- **JU Prva gimnazija**- uklonjene arhitektonske barijere i ugrađen lift kako bi se osiguralo nesmetano kretanje osoba sa invaliditetom, od ulaza do prizemlja u objekat.
- **JU Srednja medicinska škola-Jezero** – djelimično omogućen prilaz za osobe sa invaliditetom.
- JU Peta gimnazija**- ima ulaz u školu prilagođen za invalidna lica.
- **JU Druga gimnazija**- trenutno stanje objekta nije prilagođeno za osobe sa invalidskim kolicima, počevši od postojanja nesavladivih visinskih razlika u samom prizemlju do samih sanitarija i garderoba u fiskulturnoj dvorani. Škola je u sklopu učeničkog projekta "Građanin" i potpisanog Memoranduma o razumijevanju sa Arhitektonskim fakultetom u Sarajevu uradila projekat prilagođavanja škole osobama umanjnih tjelesnih mogućnosti. Projektom su obrađena i data projektantska rješenja za one dijelove škole koje treba prilagoditi upotrebi od strane nemoćnih i to prije svih onih lica koja koriste invalidska kolica i slabovide osobe.

#### **Fakulteti:**

- **Fakultet za saobraćaj i komunikacije**- omogućeno nesmetano kretanje osoba sa invaliditetom kroz adekvatan prilaz zgradi, te ugrađeni lift za kretanje u unutrašnjosti zgrade.
- **Veterinarski fakultet**- arhitektonska barijera na pomoćnom ulazu u zgradu Fakulteta (C3) je uklonjena, a adaptacija mokrog čvora za osobe sa invaliditetom te osposobljavanje velikog lifta u zgradi su kandidovani kao prioritetni za rješavanje putem Univerziteta u Sarajevu.
- Elektrotehnički fakultet**- ima prilaznu rampu namjenjenu osobama sa invaliditetom i lift sa oznakama na Brajevom pismu.



web: <http://mon.ks.gov.ba>  
 e-mail: [mon@mon.ks.gov.ba](mailto:mon@mon.ks.gov.ba);  
 Tel: + 387 (0) 33 562-128,  
 Fax: + 387 (0) 33 562-218  
 Sarajevo, Reisa Džemaludina Čauševića 1



-**Pravni fakultet**- ima pristupačan prilaz zgradi Fakulteta. Ulaz u zgradu Fakulteta riješen je putem pokretne platforme/pristupne rampe, omogućen je pristup Biblioteci Fakulteta, kao i liftu. Ima odgovarajući toalet za osobe sa invaliditetom.

- **Građevinski fakultet** - nastavna zgrada koju koristi i Arhitektonski fakultet, pored glavnog ulaza, posjeduje i službeni ulaz "u nivou" na koji bi osobe sa invaliditetom mogle izvršiti pristup zgradi i do kojeg direktno postoji pristup kolima. Nastavna zgrada je opremljena sa dva lifta za vertikalnu komunikaciju između etaža. Mokri čvorovi u prizemlju centralne zgrade su namjenski rekonstruisani i prilagođeni potrebama osoba sa invaliditetom.

- **Medicinski fakultet** - ima dva prilaza namjenjena za osobe sa invaliditetom.

- **Prirodno-matematički fakultet**- ima osiguran nesmetan prilaz u obje svoje zgrade za kretanje osoba sa invaliditetom. Obje zgrade imaju liftove.

- **Fakultet političkih nauka**- omogućen je nesmetan ulazak na parking Fakulteta osobama sa invaliditetom, te podizanje rampe na ulazu. Servisiran je mobilni lift, kako bi se omogućilo lakše kretanje unutar objekta. Izvršen je pregled postojećeg lifta unutar zgrade koji nije u funkciji, te dobijen predračun za servisiranje i stavljanje istog u funkciji. Fakultet je nakon usvajanja novog Zakona o visokom obrazovanju usvojio na sjednicama Vijeća Fakulteta i interne Odluke o prilagođavanju nastave i ispitnih termina studentima sa invaliditetom te pojedinačan pristup sa istim.

S poštovanjem,



MINISTRICA

Mr. *Zineth Ročunić*

Dostaviti:  
1.naslovu  
2.a/a



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba);  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1

